

MUNISIPALITEIT VAN GEORGE: TARIEFVERORDENING

Inhoud

1. Uitleg
2. Beginsels en Doelwitte
3. Aanvaarding en inwerkingstelling van die tariefbeleid
4. Inhoud van die tariefbeleid
5. Toepassing van die tariefbeleid
6. Inwerktrappingsdatum

1. Uitleg

In hierdie Verordening geld die Engelse teks en in die geval van enige teenstrydigheid met die Afrikaanse teks, en, tensy die konteks anders aandui, beteken:

“**Grondwet**” die Grondwet van die Republiek van Suid-Afrika, 1996;

“**munisipaliteit**” beteken die George Munisipaliteit, ingestel kragtens artikel 12 van die Munisipale Strukturewet, 117 van 1998, en sluit in enige politieke struktuur, politieke ampsdraer, raadslid, behoorlik gemagtigde agent of enige amptenaar wat ingevolge hierdie verordening handel kragtens ‘n bevoegdheid van die munisipaliteit wat gedelegeer is of gesubdelegeer is aan sodanige politieke struktuur, politieke ampsdraer, raadslid, agent of amptenaar;

“**munisipaliteit se tariefbeleid**” ‘n tariefbeleid wat deur die munisipaliteit ingevolge hierdie Verordening aanvaar is;

“**Tarief**” gelde, koste, of enige ander tariewe deur die munisipaliteit gehef word vir enige funksie of diens wat deur die munisipaliteit gelewer word met uitsondering van belastings wat deur die munisipaliteit ingevolge die Wet op Plaaslike Regering: Munisipale Eiendomsbelasting No. 6 van 2004 gehef word;

“**Verordening op Kliëntesorg en Inkomstebestuur**” die Stad se Verordening op Kliëntesorg en Inkomstebestuur ingevolge artikels 96(b), 97 en 98 van die Wet op Stelsels;

“**Wet op Stelsels**” die Wet op Plaaslike Regering: Munisipale Stelsels, 32 van 2000.

2. Beginsels en Doelwitte

- (1) Artikel 229(1) van die Grondwet magtig ‘n munisipaliteit:
 - (a) om eiendomsbelasting en bobelasting op gelde vir dienste deur of namens die munisipaliteit verskaf, op te lê; en
 - (b) indien deur nasionale wetgewing daartoe gemagtig, om ander belastings, heffings en regte op te lê.
- (2) Ingevolge artikel 75A van die Wet op Stelsels mag ‘n munisipaliteit:
 - (a) gelde, koste en tariewe ten opsigte van enige funksies of diens van die munisipaliteit hef en verhaal; en

- (b) insamelingskoste en rente op enige uitstaande bedrag verhaal.
- (3) Ingevolge artikel 74(1) van die Wet op Stelsels moet 'n munisipale raad 'n tariefbeleid oor die heffing van gelde vir 'n munisipale diens wat deur die munisipaliteit gelewer word, aanvaar en in werking stel of deur middel van diensleweringsooreenkomste wat aan die bepalings van die Wet op Stelsels, die Wet op Plaaslike Regering: Bestuur van Munisipale Finansies No. 53 van 2003 en enige ander toepaslike wetgewing voldoen.
- (4) Ingevolge artikel 75(1) van die Wet op Stelsels moet 'n munisipale raad verordeninge aanvaar om uitwerking te gee aan die inwerkingstelling en toepassing van sy tariefbeleid.
- (5) Ingevolge artikel 75(2) van die Wet op Stelsels mag verordeninge wat aanvaar word ingevolge subartikel 75(1) tussen verskillende kategorieë gebruikers, debiteure, diensverskaffers, dienste, diensstandaarde en geografiese gebiede onderskei mits sodanige differensiëring nie op onbillike diskriminasie neerkom nie.

3. Aanvaarding en inwerkingstelling van die tariefbeleid

- (1) Die munisipaliteit moet 'n tariefbeleid oor die heffing van gelde vir 'n munisipale diens wat deur die munisipaliteit gelewer word, aanvaar en in werking stel of deur middel van diensleweringsooreenkomste wat aan die bepalings van die Wet op Stelsels, die Wet op Plaaslike Regering: Bestuur van Munisipale Finansies (MFMA) No. 53 van 2003 en enige ander toepaslike wetgewing voldoen.
- (2) Die munisipaliteit is nie geregtig om tariewe op te lê behalwe ingevolge 'n geldige tariefbeleid nie.

4. Inhoud van die tariefbeleid

Die munisipaliteit se tariefbeleid moet onder meer:

- (1) van toepassing wees op alle tariewe deur die munisipaliteit opgelê nadat die munisipaliteit se jaarlikse begroting aanvaar is;
- (2) die beginsels ingevolge artikel 74(2) van die Wet op Stelsels weerspieël en enige verdere beginsels vir die oplegging van tariewe wat die munisipaliteit mag wens om te aanvaar, spesifiseer;
- (3) die wyse spesifiseer waarop die beginsels waarna in artikel 4(2) verwys word ingevolge die tariefbeleid in werking gestel moet word;
- (4) die grondslag vir differensiëring, indien enige, vir tariefdoeleindes tussen die verskillende kategorieë gebruikers, debiteure, diensverskaffers, dienste, diensstandaarde en geografiese gebiede gespesifiseer mits sodanige differensiëring nie op onbillike diskriminasie neerkom nie;
- (5) sodanige verdere toepassingmeganismes, indien enige, wat die munisipaliteit mag wens om op te lê bykomend tot daardie vervat in die Verordening op Kliëntesorg en Inkomstebestuur, insluit.

5. Toepassing van die tariefbeleid

Die munisipaliteit se tariefbeleid moet deur middel van die Verordening op Kliëntesorg en Inkomstebestuur en enige verdere toepassingmeganismes ingevolge die munisipaliteit se tariefbeleid toegepas word.

6. Inwerktredingsdatum

Hierdie tree in werking op die datum van publikasie daarvan in die Provinsiale Koerant.